

Paerewa Paetae

Aronga Ngā Mahi a te Rēhia 1.4

Ingoa Te whakamahi i ngā āhuatanga toi rēhia kia puta ai he mahinga toi motuhake

Kaupae 1 **Whiwhinga** 5 **Aromatawai** Ā-waho

Marau akoranga Te Marautanga o Aotearoa

Kokonga akoranga Ngā Toi - Ngā Mahi a te Rēhia

Mana rēhita **Te rā i mana ai**

Te rā e arotakengia ai **Te rā i puta ai**

Te Hononga ki te Marautanga

I ahu mai tēnei paerewa paetae i te Taumata 6 o *Te Marautanga o Aotearoa*, i whakaputaina e Te Tāhuhu o te Mātauranga i te tau 2017.

Whāinga Paetae

Ka tūhura, ka whakamahi, ka whakawhanake mōhio, ka whakamārama:

- *i tā te tinana me te reo whakatau i roto i ngā horopaki huhua.*

E hono ana ki te Papa Whakaako mō Ngā Toi kei te pae tukutuku nei:

<http://tmoa.tki.org.nz/Te-Marautanga-o-Aotearoa/Taumata-Matauranga-a-Motu-Ka-Taea>

Te Hononga ki ngā Tikanga Aromatawai

Arā ngā Tikanga Aromatawai mō tēnei paerewa paetae, kei te:

<http://tmoa.tki.org.nz/Te-Marautanga-o-Aotearoa/Taumata-Matauranga-a-Motu-Ka-Taea>

Paerewa Paetae

<p>Paetae</p> <p>Te whakamahi i ngā āhuatanga toi rēhia kia puta ai he mahinga toi motuhake.</p>	<p>Hei tohu i te paetae:</p> <ul style="list-style-type: none"> • Ka whakamahi i ngā āhuatanga toi rēhia e whaitake ana kia puta ai he mahinga toi motuhake.
<p>Kaiaka</p> <p>He kaiaka te whakamahi i ngā āhuatanga toi rēhia kia puta ai he mahinga toi motuhake.</p>	<p>Hei tohu i te kaiaka:</p> <ul style="list-style-type: none"> • Ka whakamahi i ngā āhuatanga toi rēhia e hāngai pū ana ki te horopaki o te mahi kia puta ai he mahinga toi motuhake.
<p>Kairangi</p> <p>He kairangi te whakamahi i ngā āhuatanga toi rēhia kia puta ai he mahinga toi motuhake.</p>	<p>Hei tohu i te kairangi:</p> <ul style="list-style-type: none"> • Ka whakamahi i ngā āhuatanga toi rēhia e whai tikanga ana i roto i te horopaki o te mahi kia tau ai te whakaputa i tētahi mahinga toi motuhake.

Kōrero Āpiti

- 1 E whai ake nei ngā whakamārama mō ngā kupu me ngā kīanga whaitake matua o te paerewa nei:

whakamahi i ngā āhuatanga toi rēhia	Te kōwhiri, te whakamātau, te raweke i ngā āhuatanga toi rēhia kia whaihua ai.
āhuatanga toi rēhia	<p>Ngā pūkenga/tukanga/huānga e hāngai ana ki ngā mahi a te rēhia. Hei tauira:</p> <ul style="list-style-type: none"> • ngā pūkenga toi rēhia pēnei me te arohaehae, te arotake, te whakaaturanga • ngā tukanga toi pēnei me te whakaraupapa, te whakamahere, te whakarite nekehanga • ngā huānga toi rēhia pēnei me te mokowā, te reo, ngā nekehanga, te tauhanga.

	He maha tonu ngā tauira i tua atu i ēnei. Ehara hoki i te mea, me mahi te katoa; ko te tikanga ia, kia kōwhiria te/ngā āhuatanga e hāngai ana ki te horopaki.
mahinga toi motuhake	He mahinga toi nā te ākongā anō i waihanga kia eke ōna whakaaro.
kia tau te whakaputa	Kua mārama mārika te whakamahi me te pūtake o ia āhuatanga toi, tae atu ki tōna hononga ki te horopaki o te mahi.

Tātari Kounga

- 1 Me mātua whakamana ngā Kaituku Akoranga me ngā Whakahaere Whakangungu Ahumahi e te Mana Tohu Mātauranga o Aotearoa ka rēhita ai i ngā hua ka puta mai i ngā aromatawai ki ngā paerewa paetae.
- 2 Ko ngā Kaituku Akoranga me ngā Whakahaere Whakangungu Ahumahi kua mana, ā, e aromatawai ana i ā rātou hōtaka ki ngā paerewa paetae, me uru rātou ki ngā pūnaha whakarite e tika ana mō aua paerewa paetae.

Ko te tohutoro ki te Mahere Whakamana, Whakaōritenga hoki

0233